

Жума намозини тарк этишга одатланиш



17:40 / 27.12.2018 4314

Аллоҳ таоло марҳамат қилади:

«Эй мўминлар, қачон жума кунидаги намозга чорланса (яъни, аzon айтилса), дарҳол Аллоҳнинг зикрига (яъни, жума намозини адо қилиш учун) шошиб боринглар ва олди-сотдини тарк қилинглар! Агар биладиган бўлсангизлар мана шу (яъни, Аллоҳнинг зикрига - жума намозини ўқишишга шошилиш) ўзларингиз учун яхшироқдир» (Жума сураси, 9-оят).

Ҳафса (розияллоҳу анҳо)дан ривоят қилинади: «**Расулуллоҳ соллаллоҳу алайҳи васаллам айтдилар: «Жумага бориш ҳар бир балоғатга етган кишига вожибдир**» (Насоий ривояти).

Абдуллоҳ ибн Масъуд розияллоҳу анҳудан ривоят қилинади: «**Расулуллоҳ соллаллоҳу алайҳи васаллам жумага бормайдиган кимсага қаратади: «Бир кишига одамларга намоз ўқиб беришни буюриб, кейин жумага келмайдиган кишиларнинг уйларини ёқиб юборишни хоҳлардим», дедилар**» (Муслим ривояти).

Абу Ҳурайра ва Ибн Умар розияллоҳу анҳулардан ривоят қилинади: «**Расулуллоҳ соллаллоҳу алайҳи васаллам айтдилар: «Ё одамлар жумани тарк этишдан тўхтайдилар ёки Аллоҳ уларнинг қалбини муҳрлаб қўяди. Сўнг улар ғофиллардан бўлиб қолурлар**» (Муслим ривояти).

Абу Жаъд Замрий розияллоху анхудан ривоят қилинади: «**Расулуллох соллаллоху алайҳи васаллам айтдилар: «Кимки бепарволик билан учта жумани тарк этса, Аллоҳ унинг қалбини муҳрлаб қўяди»** (Термизий, Ибн Ҳузайма, Ибн Ҳиббон, Ҳоким ривояти).

Ибн Аббос розияллоху анхумо айтганларки: «Кимда-ким учта жумани тарк этса, Исломни орқасига улоқтирган бўлади» (Абу Яъло ривояти).

Аллоҳдан Ўзи суйган ва рози бўлган нарсаларга муваффақ қилишини сўраймиз. Албатта, У сахий, марҳаматли зотдир.

«Гуноҳи кабиралар» китобидан